

漢書門  
 一三六〇八  
 八〇八  
 類號函架册  
 130

內閣文庫  
 漢書  
 一三六〇八  
 八〇八  
 類號册架


內閣文庫	
番號	漢 12608
冊數	160 ( 99 )
函號	300 211

百十九





Faint vertical text columns, likely bleed-through from the reverse side of the page. The text is illegible due to fading and bleed-through.



重校聖濟總錄卷一百十九

震澤汪鳴珂瑤圃全弟鳴鳳蘭圃校

程 勛懋哉校訂

口齒門

重舌

舌腫強

牙齒歷蠹

牙齒疼痛

齒齲

重舌

論曰重舌者以心脾二經蘊伏熱氣循緣經絡上衝舌本遂令舌下血脉脹起如小舌狀故謂之重

舌蓋心開竅於舌足太陰之脉屬脾絡胃上膈挾咽連舌本散舌下故也紫雪服之甚効  
治心脾有熱生重舌方

羚羊角 升麻 吳藍 黃芩 芍藥 淡

竹葉 人參 大青 各一兩 檳榔 為末三兩 木香 為末

二兩 木通 山梔子 去皮 丹砂 研 葛根 蘇

枋木 椎碎別一兩 桑根白皮 一兩 朴硝 一升 枳殼

炒三分 麝香 研半兩 甘草 炙二兩

除朴硝蘇枋木丹砂木香麝香檳榔外細剉以

水五升煎至七分去滓再煎下硝不住手攪候

水脚欲盡下蘇枋木汁更煎三五沸放新砂盆

中次下木香檳榔麝香丹砂等令勻每服一錢

綿裹嚙津甚者蜜水調下食後服

石膏煎方 治心脾積熱生重舌及時行陰黃丹

石發動一切熱毒

石膏 凝水石 滑石 各一斤 犀角 鎊屑 鬱金

各一兩 黃芩 五兩 山梔子 一兩 升麻 三兩 黃連

三兩 芒硝 一兩 馬牙硝 研半兩

先以石膏水石滑石等用水三斗入金十兩無  
 金入銀十兩亦可先煎金石藥汁至一斗五升  
 澄清次入犀角鬱金草藥等再煎至七升去滓  
 再煎下芒硝煎三沸次下馬牙硝攪令化不住  
 手攪良久用一新瓦盆盛一兩日凝結每服一  
 錢用蜜水調下大人小兒以意加減

牛黃散方 治重舌

牛黃 研

人參 各半兩

白茯苓 三分

大黃 炒半兩

當歸 一分

甘草 炙半兩

丹砂 研半兩

為散每服半錢溫水調下甚者加至一錢食後

朴麝散方 治重舌及天行陰黃丹石發動一切

熱毒

朴硝 五兩

麝香 研一分

黃芩 一兩

山梔子 一兩

甘草 炙一分

淡竹葉 握一分

蘆根 一兩

七味剉五味如麻豆大入研者二味以新汲水  
 三升將藥入鐺中煎約半升已來去滓澄清取  
 瓷瓶一箇傾藥汁在內以物蓋定瓶口用鹽泥  
 固濟慢火煨一復時去火放冷却將瓶安在水

中無令水至瓶口浸經一宿至明日打破瓶子  
取藥如金色研為細散每服半錢冷水調服綿  
裹嚙津亦得

黃藥湯方 治腫舌及重舌

黃藥 甘草 炙各一兩

每服三錢水煎去渣食後溫服

舌腫強

論曰心氣通於舌脾脉挾咽連舌本散舌下心脾  
二經受風邪則舌本強不能卷舒久或熱氣加之


則腫腫則脉筋脹急勢連咽嚙礙於呼吸法宜刺  
之洩去惡血及餌以藥

白茯苓湯方 治舌腫強

白茯苓 牛黃 研各三分 犀角 屑一分 甘草 炙 人  
參 羚羊角 屑 熟乾地黄 白朮 桂 各半兩

每服三錢水煎溫服日三

射干湯方 治木舌腫強及天行時病丹石發動  
一切熱毒



射干 木通 馬蘭子 大黃炒各一兩半 漏蘆

升麻 當歸 桂 甘草炙各一兩

每服五錢水煎溫二服日三夜二

黃連湯方 治傷寒舌腫

黃連去鬚 大黃生用各一兩 升麻 黃蘗

各半 甘草炙三分

每服五錢入黑豆一撮同煎分溫二服病未退

每服更加芒硝末半錢湯成下以微利為度

牡蠣散方 治牙疼連牙關急口眼相引木舌腫

強不能轉

牡蠣煨 伏龍肝 附子去皮臍 白礬煨各半兩

為散以酒和如泥每用一錢於患處塗貼吐津

芫胡散方 治舌本強兩邊痛

芫胡 升麻各一兩 梔子仁半兩

每服一錢熟水調下日三

百草霜方 治舌忽緊鞭遠巡能塞煞人者

百草霜 好鹽各半兩

同研勻表裏塗之立效

礬石散方 治舌強不能語

白礬 研 桂心 去麤皮 各一兩

為散每服用一錢或半錢安舌下

廬蟲散方 治舌腫滿口言語不得

廬蟲 五十枚 鹽 半兩

細研為散每服以水煎熱含冷吐以差為度

麝香散方 治舌強不能語

麝香 皂莢 各半兩

為散每用半錢摻舌腫上吐津

又方

蛇膽 一枚 焙乾

研末傅舌上有涎吐之

螵蛸散方 治木舌腫強

桑螵蛸 十二月者炙黃

每服半錢萊菔汁調下

半夏酒方 治舌腫滿口氣息不通須臾殺人急

以手指刺破潰去惡血亦可用微鍼決破次用

此方



半夏 十枚

以苦酒一升煮取八合稍稍漱口熱含冷吐半夏動人咽喉用薑汁解之

蚯蚓塗方 治舌腫滿塞喉欲死

蚯蚓 一條

以少許鹽花化爲水以塗咽喉舌上良久漸消甘草湯方 治舌卒腫起滿口塞喉氣息不通頃刻殺人以鍼決舌下兩邊第一大脉出血以銅筋燒令赤熨瘡數遍令血絕後服此方

甘草 不拘多少

濃煎湯熱含冷吐未差更以釜底焙煤和苦酒調塗舌上下脫去更塗須臾即消

牙齒歷蠹

論曰牙齒歷蠹者腎虛弱也骨髓不固氣血衰耗不能榮潤於牙齒故令人牙齒黯黑謂之歷蠹

皂鹽散方 治牙齒歷蠹黯黑

皂莢 一挺酥炙 鹽花 槐白皮 各半 白礬 熬

甘松香 升麻 細辛 各一分

爲散先以鹽指齒後用藥半錢傅之

穀精草散方 治牙齒歷蠹

穀精草

燒灰

白礬灰

一分

蟾酥

一片炙乾

麝香

少許

研爲散於宣露處貼之

柳膏方 治牙齒歷蠹

柳枝

握一

防風

去義

細辛

鹽花

各一分

用水三盞煎至一盞去渣更煎成膏以瓷器收

每用薄紙剪如柳葉塗藥貼齒上

麝香散方 治齒歷蠹

麝香

一字

定粉

一錢

黃蠟

半兩

細研前二味鎔蠟調之攤在紙上每臨臥時剪作片子貼所患齒上

脆壞欲盡方 治牙齒歷蠹

白礬

不拘多少

新綿裹之以所患齒咬之有涎卽吐

升麻散方 治牙齒歷毒齒根眼黑

升麻

槐枝灰

各半兩

白附子

密陀僧

煨

露蜂房

各一分

為散入地黃汁一合和勻陰乾每用揩齒

胡桐淚散方 治牙齒歷蠹齒根黯黑

胡桐淚 一兩 丹砂 半兩 麝香 一分

用研極細常揩齒

牙齒疼痛

論曰牙齒疼痛有二手陽明脉虛風冷乘之而痛者謂之風痛蟲居齒根蝕侵不已傳受餘齒而痛者謂之蟲痛二者不同古方有塗傅漱潔之藥治去風蟲用之各有法也

藁本湯方 治牙痛

藁本 芎藭 防風 去 蔓荆實 細辛

羌活 升麻 木通 各二兩 露蜂房 莽草 去梗

狼牙草 切 白鹽 各半兩 楊白皮 二兩 大豆

炒香 二合

每用五錢入生地黃汁少許同煎十餘沸熱含冷吐

芎藭湯方 治牙齒疼痛

芎藭 三分 莽草 半兩 獨活 一兩 防風 三分 細

辛半兩 郁李仁三分炒 葇荂子炒熟一分

每用五錢以酒一升煎三五沸熱漱冷吐

扶神散方 治牙齒疼痛

扶神去木一分 白茯苓一分 松脂熬一分 白礬熬一兩

丹砂一分 麝香半兩 乳香一分 青葙子半兩炒令

焦

為散貼於齒上疼痛處

丁香膏方 治牙痛

丁香三兩好者以水三升煎至半斤 黃蠟三兩 沉香二兩水三升煎

至半升 細辛三兩去苗葉水三升煎至半升 麝香一兩別碎 松脂一兩

鍊鉛丹三兩 黃耆一分 丹砂半兩 硫黃一兩研

先以銀器中煎丁香沉香汁次入細辛汁煎一半以來次入松脂又煎次下諸藥無水氣即入好麻油五兩以柳木篋子攪不得住手候膏成即入銀器中盛之如牙齒疼痛以塗絹可穿齒大小貼之立效貼藥後或斷腫出膿血並是病蟲出也

定愈散方 治牙齒疼痛

乳香半兩

白礬一兩 燒灰

青箱子一兩 熬令熟不得焦

麝香

三分松脂一兩 熬盡汁

丹砂半兩 研

黃耆半兩

琥珀

一兩

爲散更別擣乳香鍊熟爲汁入煎藥中如有疼痛蟲孔之處乾貼之不用諸物貼藥之時未得用水其痛立止

草烏頭散方

治牙齒疼痛

草烏頭

米泔浸一宿切作片子炒一兩

高良薑半兩

細辛半兩

草撥半兩

白僵蠶半兩

五靈脂半兩

乳香

一錢

爲散凡用一字揩牙合口少時去涎以鹽湯漱口

乳香丸方

治牙齒疼塞鼻

乳香

雄黃

硫黃

砒霜

阿魏

麝香

各半分

爲末炊餅皮丸如雞頭實大如左邊痛卽用藥一丸以薄綿裹塞左竅內痛卽止

升麻散方

治牙齒疼痛生斷內去熱毒解外風

升麻 當歸 防風 各一兩 藁本 甘草 炙

白芷 細辛 芎藭 各半兩 木香 一分

爲散放乳鉢中研令極細塗貼齒斷麤者以水三盞藥五錢煎熱含冷吐卽差

防風湯方 治牙齒疼痛

防風 去義 當歸 切 芎藭 細辛 各一兩 附子

半兩

咬咀每用五錢入生薑五片煎十餘沸熱含冷吐

細辛散方 治牙齒疼痛頭面浮腫喫冷熱物不

得

細辛 芎藭 藁本 獨活 各一兩 地骨皮 半兩

蒺藜子 三分

爲散綿裹如江豆大含化嚥津每日三五度易之去膈間風熱若患頭風鼻塞先以油塗頂心以手摩一二百遍次用散一錢又摩頂心依前法

地骨皮湯方 治牙齒疼痛喫物不得

地骨皮一兩 細辛半兩 生乾地黄一兩 戎鹽

一分

每用五錢以水煎三五沸熱漱冷吐以差為度

槐枝湯方 治牙齒疼痛

槐枝五握 升麻 莽草 胡桐淚各一兩

分三服每服水三盞煎三二沸通口漱深大止

牙痛

鉛丹丸方 治牙齒疼痛

鉛丹一兩 蜀椒去目炒 莽草半兩 附子半生半熟一枚

為末以麩糊丸如芥子大用綿裹一丸內蟲孔

中即差

桃白皮湯方 治牙齒疼痛

桃白皮 槐白皮 柳白皮各二兩

分為六貼每貼以酒一升浸一宿煎三五沸熱

含冷吐

藜蘆散方 治牙齒疼痛

藜蘆半兩 附子去皮臍一分 麝香一分

為散每用半錢摻於齒上如有蟲孔即以綿裹

少許內之

地龍散方 治牙齒疼痛

地龍 延胡索 葶撥

等分如左牙疼用藥一字入左耳內右牙疼亦然

蜀椒湯方 治牙齒疼痛

蜀椒去目炒 鹽研 土蜂房各一分

每服五錢入葱白三寸同煎十餘沸熱漱冷吐日三五度

乳香丸方 治牙齒疼痛

乳香一塊如豌豆大 白礬一塊如皂子大

用錢匙先以炭火中鎔汁次下乳香安心中急以手就丸乳香在礬內以綿裹疼處牙咬之有涎即吐

青鹽散方 治牙齒疼痛風腫時復發歇

青鹽研 烏頭各二兩

一處入銚子內文武火炒候紫色即住火待冷却入口中研為散瓷器中盛臨臥如常揩齒溫



水漱口久患者不過五七次永差

吳茱萸散方 治牙齒疼痛

吳茱萸 湯浸 白芷

等分爲散用沸湯浸藥一錢漱疼處

乳香散方 治牙齒痛不可忍

乳香 半錢 蜀椒 輕炒取紅爲細末一錢

每用半字指貼痛處良久溫荊芥湯漱口

葶撥丸方 治牙齒疼痛

葶撥 胡椒

等分爲末化蠟丸如麻子大每用一丸內蟬孔

中

細辛湯方 治牙齒痛久不差

細辛 葶撥

等分每用半錢水一盞煎數十沸熱漱冷吐

地黃湯方 治牙齒痛

生乾地黃 三兩 獨活 一兩

咬咀每用五錢以酒一盞浸一宿煎十餘沸熱

漱冷吐以差爲度

重校聖濟總錄 卷一百九 口齒門 二五 牙痛

地龍丸方 治牙齒痛

地龍末

麝香

各一分

放乳鉢中細研爲末銷蠟爲丸如粟米大每用一丸內蟲孔中卽差

細辛湯方

治牙齒痛疼

細辛

麝香

各一分

放乳鉢中細研爲散以水五盞藥五錢煎五七沸去滓熱漱冷吐

蒼耳湯方

治牙齒疼痛

蒼耳子

一合用根亦佳

以水二盞煎沸入鹽少許去滓熱漱冷吐

地黃餅方

治牙齒痛

地黃

五斤

淨洗擇去苗後於甑內蒸先鋪布一重以土一層密開令熟出暴之當日乾如此經三度以生地汁二升灑之却暴乾然後擣爲餅子含化一治齒二生津液三變白髭鬚其功極妙

無食子散方

治牙齒疼痛

無食子 不拘多少

為散以綿裹一錢當痛處咬之即定有涎吐之

槐枝烙方 治牙齒疼痛

槐枝 燒令熱

於痛處齒縫中烙之即差

李木皮方 治牙齒疼痛

李木皮 不拘多少

取細嚼汁浸痛處不過三五次即差

白楊醋方 治牙齒痛

白楊皮 一握切

以醋二升煎十餘沸熱漱冷吐

松節湯方 治牙齒痛

松節 剉一合

以水三盞煎至二盞去渣漱牙立止

瓜蒂散方 治牙齒痛

瓜蒂 七枚

炒黃研散以麝香相和新綿裹病牙處咬之

橘鍼湯方 治牙齒疼久不差

臭橘不拘多少

剉細每用一合水一椀煎五七沸熱漱牙疼處

立效

防風飲方 治齒痛舌癢食物不得

防風 升麻 桂心去麤皮 白石脂研 當歸

切 檳榔剉 桑根白皮 乾木瓜 人參

黃連去鬚 羌活 芎藭各二兩 天雄去皮臍二兩

黃芩一兩 遠志半兩

每服三錢生薑五片同煎溫服

柳枝湯方 治齒痛連牙額疼

柳枝 槐枝 黑豆各一合 蜀椒炒去目半兩 青鹽

細辛 羌活各一分

除椒鹽外剉先以水六盞煎取二盞入椒鹽再煎一盞通口漱之不拘時以差為度

升麻散方 治牙齒疼痛

川升麻半兩 莽草一分 桑寄生一分 地骨皮

半兩 槐白皮半兩 防風半兩 藁本一分 柳枝

一握

每用五錢水二大盞入鹽末一錢荆芥穗煎至一盞熱含冷吐日三用

治牙齒疼痛方

槐白皮一握 荆芥穗半兩

以醋一升煎至五合入鹽少許熱含冷吐即差

又方

豬牙皂莢一挺炙去皮子 川椒七粒

右二味共為細散每用一錢綿裏含於痛處咬之有涎出即吐

齒齲

論曰齒齲如疳齲蟲之證齒根先露壞爛膿血俱出口內氣息益緣臟腑壅滯熏發上焦攻衝齒牙又有嗜肥甘過多或宿食在齒根不能漱去致腐臭之氣淹漬而成者

雄黃膏方 治齒齲蟲蝕牙齒

雄黃別研半兩 牛酥五兩 黃蠟 白蜜各一兩 藁本

三分 丹砂別研一分 藜蘆一分 升麻 川芎 白

芷 杏仁去皮尖雙仁各半兩

除別研藥并蜜蠟外餘細判先於錫中以酥煎  
所判藥候杏仁赤黑色去渣下蜜蠟煎二十沸  
候膏成續下別研藥攪勿住手候凝成膏於瓷  
器盛每以少許塗齒病處或蟲孔中點之大驗  
附子散方 治齧齒齒斷紫黑皴癢爛臭

附子去皮 升麻 桂心去麤皮 細辛 麻黃去根  
節人參 乾薑 甘草炙 黃芩 當歸一分  
每用少許貼齒斷上日三五徧嚙津不妨  
麝香散方 治齒齧

麝香一分 白礬研 蒲黃 細辛 丁香各半  
兩 青蒲一分 附子去皮  
為散綿裹一錢於患處咬之嚙津不妨日三五  
徧

白礬散方 治風齧口瘡  
白礬燒灰研 升麻一分 細辛一分 丹砂一分  
麝香半錢 甘草一分  
為散先以鹽漿水洗漱後用熟水調藥雞毛塗  
之日三五徧



薔薇根膏方 治齒齲

薔薇根

二兩

地骨皮

一兩

葱根

一兩

胡粉

一兩

白蠟

一分

前三味俱剉以水二大盞煎至半盞以重抄紙半張浸之暴乾更濕浸汁盡為度乾了以粉蠟塗之於上剪作條子夜臥貼之神效

細辛散方 治齒齲齒根腐爛

細辛

二兩

川升麻

二兩

地骨皮

二兩

角蒿

二兩

牛膝

二兩

生地黃

五兩

都燒為灰細研每夜臨臥傅齒根或以蠟紙上貼之至旦即去

青黛散方 治齒齲日夜疼痛不止

青黛

一兩

柑子皮

一兩

乾蝦蟆

一枚五月五日者燒灰

為細散以生地黃汁調貼上日二換

黃礬散方 治疔腫齒根宣露

黃礬

燒灰一分

麝香

研一錢

乾蛤殼

燒灰一分

防風

去

獨活

各一兩

除別研外為散以煖漿水漱口後用藥貼齒根

上有涎即吐出日再貼即差

皂莢散方 治齒疳風蠶

皂莢

不艸者一兩

升麻

一兩二味入瓶子內固濟留一孔燒令烟絕取出細

研杏仁

去皮尖雙仁一兩

凝水石

搗末二兩

為散每用一錢塗貼齒斷上日三五度

藜蘆散方 治齒疳風蠶疼痛不止

藜蘆

蜀椒

去目炒

附子

各一分

麝香

研一錢

先以三味為散次下麝香和勻每用一錢綿裹置所患處有涎吐之

苦參湯方

腑

治齒疳及口生瘡眼澀體重蟲蝕臟

苦參

切

桃白皮

切

槐白皮

各一兩

每用五錢水煎十沸熱含吐之日三五度

白礬散方

治疳蠶齒根血出

白礬

燒灰三分

蚌蛇膽

研一錢

同研勻先以布揩齒令血盡每用半錢搽於患處勿嚥津



重刊聖諭編金

卷一百一十九

上

三

三

